

SETLHA SA MOTŠHELO SA 2019 - SARS E TŠEA KGATO ENNGWE GO KAONAFATŠA DITIRELO GO BALEFELA MOTŠHELO

Pretoria, 4 June 2019 – Ba Ditirelo tša Motšhelo tša Afrika Borwa (SARS) ba kaonafaditše ditirelo tša go faela ka inthanete le go faela go makala a SARS ka diphetogo tše mpsha tše mmalwa tša go kgatlhiša bakeng sa Setlha sa Motšhelo sa 2019 go kaonafatša le go nolofaletša balefela motšhelo go faela dipušetšo tša motšhelo wa letseno.

Diphetogo tše mpsha di akaretša tlhagišo ya ditsebišo tšeo di beakanyeditšwego sa ruri tša go laetša ditokumente tše itšeng tšeo di hlokegago ge go dirwa oditi goba tiišetšo le poelo ya go etšišišwa yeo e gatišitšwego pele ga ge molefela motšhelo a faela.

Ditebo tšeo di tlhohloletšago diphetogo tše ke kaonafatšo ya ditirelo, koketšo e kgolo ya fetogelo go dikanale tša inthanete bjale ka eFiling le SARS MobiApp bakeng sa dipušetš tša motšhelo wa letseno tše bonolo (tšeo di sa akaretšego dipušetšo tša motšhelo wa sebakanyana), gammogo le go kaonafatša bokgoni bja rena bja go lekola go se obamele tefelo ya motšhelo.

SARS MobiApp yeo e tsošoloditšwego e tla nolofala le go feta peleng go diriša sematefounue go fela pušetšo e bonolo ya motšhelo wa letseno wa didirišwa tše dilatelago tše mphsa gape tše di šomago bonolo:

- tshenyatšhomong e bonolo
- tsebagatšo ya tiišetšo ya *biometric*
- mokgwa o mongwe gape wa tšhireletšo wa *one-time pin*
- bokgoni bja go seta gape *username* le *password*
- dipotšišo tša tšhireletšo
- le go sekena le go louta ditokumente tša thekgo.

Mokgwa o mongwe wa inthanete, e leng eFiling, o kaonafaditšwe go nolofatša tsenyotšhomong le go dira tše di hlokegago go faela pušetšo, go romela ditokumente tša thekgo le go dira ditefelo gape le kaonafatšo ya go šoma ga *browser*.

Lenyaga balefela motšhelo bao ba fihlelelago dikheraetheria KA MOKA tše di latelago GA BA HLOKE go romela pušetšo ya motšelo:

Palomoka ya bona ya letseno la mošomong la ngwaga pele ga motšhelo ga e fete R500 000

- Ba amogela fela letseno la mošomong go tšwa go MONGMOŠOMO O TEE bakeng sa ngwaga ka botlalo wa motšhelo.

- Ga ba na mokgwa o mongwe wa LETSENO (mohlala, koloi, putseletšo, letseno la kgwebo ale letseno la rente, tswala ya go tšhelelwa goba letseno go tšwa go mošomo o mongwe)
- Ga ba na putseletšo enngwe ya tlaleletšo ya go nyalelana le dikgogelo tša motšhelo tšeo di ka kleingwago (mohlala ditsshenyagelo tša kalafo, dikabelo tša go rola modiro le ditsshenyagelo tša maeto).

Go tšwelapele ka go fokotša maeto ao a sa hlokegego go ya go makala a SARS, balefela motšhelo bao ba sa hlokege go faela pušetšo ba tla amogela poelo ya ketšišo go tšwa go SARS ya eba eke ba faetše pušetšo . Molefela motšhelo a ka amogela poelo ye goba a mphsafatša pušetšo le faele.

Setlha sa Motšhelo sa 2019 se thoma ka 1 Agosetose bakeng sa balefela motšelo bao ba faelago dipušetšo tša bona tša motšhelo wa letseno go lekala la SARS.

Le ge go le bjale, balefela motšhelo bao ba yago go lekala la SARS ba tlhohleletšwa go ngwadiša bjale ka badiriši ba eFiling le MobiApp. Ge ba feditše go ngwadiša bakeng sa dikanale tše tše pedi tša inthanete bašomi ba rena ba tla laetša ka fao ba ka dirišago dikanale tše tša inthanete go faela pušetšo ya motšhelo wa letseno gabonolo. Makala a SARS a tla fiwa *wi-fi* bakeng sa balefela motšhelo go diriša eFiling goba MobiApp makaleng.

Balefela motšhelo bao ba ngwadišitšego bakeng sa eFiling gob aba nago le phihlelelo ya MobiApp b aka faela dipušetšo tša bona tša motšhelo wa letseno go tloga ka 1 Julae ka dikanale tše di latelago.

Matšatši a mafelelo bakeng sa Setlha sa Motšhelo ke ao a latelago:

31 Oktobore 2019 bakeng sa go faela makaleng.

4 Disemere 2019 bakeng sa balefela motšelo bao e sego ba sebakanyana bao ba dirišago eFiling le MobiApp.

31 Janaware 2020 bakeng sa balefelela motšhelo ba sebakanyana bao ba dirišago eFiling.

SARS e leboga balefela motšhelo ka moka bao ba obamelago ditlamego tša bona tša motšhelo. Re dula re ikemišeditše go tšwelapele ka mošomo o bohlokwa wo o laetšago maemo a godimo a boitshwaro mabapi le tša motšhelo le setšo sa boithaopo bja obamelo. Re tla ruta balefela motšhelo ka ga tshedimošo e bohlokwa:

- Go kwešiša boikgafo bja bona bja go lefela metšhelo ya bona,
- Go dira gore go be bonolo go obamela, le
- Ge go hlokega, go dumelela SARS go tšea sephetho botse le go tiišetša obamelo

Ka tirišano ya kgwerano le batšeakarolo, SARS e tla tšwelapele go dira mošomo wa morero o mogolo wa go kgontšha le go aga naga ya temokrasi ya go kgona yeo e tšwetšago pele kgodišo ya ekonomi le tšwetšopele ya selegae go dikgatlhego le maphelo a maAfrika Borwa ka moka.

